

痢厥粉五錢定粉三錢同研用水浸蒸餅
心少許和丸如菉豆大每服七元或十元
艾一枝水一盞煎湯下艾湯多亦妙
衍義曰水銀粉下涎藥并小兒涎潮癩癧
多用然不可常服及過多則有損兼行
若兼驚則尤須審謹蓋驚為心氣不足不
可下下之裏虛驚氣入心不可治若其人
本虛便須禁此一物謹之至也

圖經衍義本草卷之三

圖經衍義本草卷之四

宋通直郎辨驗藥材寇宗奭撰
宋太醫助教辨驗藥材許洪校正

玉石部中品

磁石



磁石 味辛鹹寒無毒主周痺
肺上下不能左風濕肢節中痛不可持物洗
右去者為明痺
酸痛除大熱煩滿及耳聾養腎氣強骨氣益
精除煩通關節消癰腫鼠瘻頸核喉痛小兒
驚癇鍊水飲之亦令人有子一名玄石一名
處石生太山川谷及慈山山陰有鐵處則生
其陽採無時葉胡為之使殺鐵毒惡牡丹莖
草畏黃石脂

圖經曰磁石生太山山谷及慈山山陰有
鐵處則生其陽今慈州徐州及南海傍山

中皆有之慈州者歲貢最佳能吸鐵虛連
十數針或一二斤刀器回轉不落者尤真
採無時其石中有孔孔中黃赤色其上有
細毛性溫功用更勝謹按南州異物志云
漲海崎頭水淺而多磁石散外大舟以鐵
葉銅之者至此多不得過以此言之海南
所出尤多也按磁石一名玄石而此下自
有玄石條云生太山之陽山陰有銅銅者
雌鐵者雄主療頗亦相近而寒溫銅鐵畏
惡乃別蘇恭以為鐵液也是磁石中無孔
光澤純黑者其功劣於磁石又不能懸針
今北蕃以磁石作禮物其塊多光澤又吸
針無力疑是此石醫方罕用
藥性論云磁石臣味鹹有小毒能補男子
腎虛風虛身強腰中不利丹方用之
陶隱居云今南方有好者能懸吸針虛連
三四為佳殺鐵毒消金仙經丹方黃白術
用之
陳藏器云磁石毛味鹹溫無毒主補絕傷
益陽道止小便白數治腰脚去瘡癰長肌

膚令人有子宜入酒出相州北山磁石毛鐵之母也取鐵如母之招子焉本經有磁石不言毛石功狀殊也又言磁石寒此彌誤也

日華子云磁石味甘澁平治眼昏筋骨羸弱補五勞七傷除煩燥消腫毒小兒誤吞鐵鍼等即細末筋肉莫令斷與磁石同下之

雷公云凡使勿誤用玄中石并中麻石此石之二真相似磁石只是吸鐵不得中麻石心有赤皮竊是鐵山石也誤服之令人有惡瘡不可瘥夫欲驗者一斤磁石四面只吸鐵一斤者此名延年沙四面只吸得鐵八兩者號曰續未石四面只吸得五兩已來者號曰磁石

聖惠方治小兒誤吞針用磁石如棗核大磨令光鑽作竅絲穿令針自出

外臺秘要療丁腫取磁石搗為粉釀醋和封之根即立出差
鬼遺方治金瘡腸出欲入之磁石滑石各

三兩為末以白米飲調方寸匕服日再服衍義曰磁石色輕紫石上輝澁可吸連針鐵俗謂之燔鐵石養益腎氣補填精髓腎虛耳聾目昏皆用之入藥須燒赤醋淬其玄石即磁石之黑色者也多滑淨其治體

大同小異不可不分而為二也磨其石則能指南然常偏東不全南也其法取新礦中獨縷以半芥子許蠟綴于針腰無風處垂之則針常指南以針橫貫燈心浮水上亦指南然常偏東位蓋丙為大火庚辛金受其制故如是物理相感爾

玄石



玄石 味鹹溫無毒主大人小兒驚癇女子絕孕小腹痛少精身重服之令人有子一名玄水石一名處石生太山之陽山陰有銅銅

者惟黑者雄惡松脂栢實茵桂

圖經具磁石下

陶隱居云本經磁石一名玄石別錄各一種今按其一名處石既同療體又相似而寒溫銅鐵及畏惡有異俗方既不復用之亦無識其形者不知與磁石相類否

唐本注云此物鐵液也但不能拾針療體如經劣於磁石磁石中有細孔孔中黃赤色初破好者能連十針一斤鐵刀亦被迴轉其無孔光澤純黑者玄石也不能吸針

疑水石





凝水石 味辛甘寒大寒無毒主身熱腹中積聚邪氣皮中如火燒煩滿水飲之除時氣熱盛五藏伏熱胃中熱煩滿止渴水腫小腹痛久服不飢一名白水石一名寒水石一名凌水石色如雲母可析者良鹽之精也生常山山谷又中水縣及邯鄲解巴豆毒畏地榆藥性論云寒水石能壓丹石毒風去心煩渴悶解傷寒復勞

陶隱居云常山屬并州中水縣屬河間郡邯鄲即趙郡並屬冀州城此處地皆鹹鹵故云鹽精而碎之亦似朴消此石未置水中夏月能為冰者佳

唐本注云此石有兩種有縱理橫理色清明者為佳或云縱理為寒水石橫理為凝水石今出同州韓城色青黃理如雲母為良出澄城者斜理文色白為劣也

禹錫云按吳氏云神農辛岐伯醫和扁鵲甘無毒李氏大寒或生邯鄲採無時如雲母色

雷公云凡使先須用生薑自然汁煮汁盡為度細研如粉用每修十兩用薑汁一鎰傷寒類要治肉痺其人小便白以凝水石主之也

丹房鏡源云凝水石可作油衣可食制丹砂為價伏玄精

經驗方治小兒丹毒皮膚熱赤用寒水石半兩白土二分搗羅為末用米醋調傅之愈

集驗方治風熱心躁口乾狂言渾身壯熱及中諸毒龍腦甘露丸寒水石半斤燒半日淨地坑內盆合四面濕土擁起俟經宿取出入甘草末天竺黃各二兩龍腦二分糯米膏丸彈大蜜水下

行義曰凝水石又謂之寒水石紋理通徹人或磨刻為材以備暑月之用入藥須燒過或市人燒入膩粉中以亂真不可不察也陶隱居言夏月能為冰者佳如此則舉世不能得似乎失言

陽起石



陽起石 味鹹微溫無毒主崩中漏下破子藏中血癥瘕結氣寒熱腹痛無子陰痿不起補不足療男子莖頭寒陰下濕痒去臭汗消水腫久服不飢令人有子一名白石一名石生一名羊起石雲母根也生齊山山谷及琅琊或雲山陽起山採無時桑螵蛸為之使惡澤瀉菌桂雷丸蛇蛻皮畏菟絲

圖經曰陽起石生齊山山谷及琅琊或雲山陽起山今惟出齊州他處不復有或云邢州鶴山亦有之然不甚好今齊州城西

惟一土山石出其中彼人謂之陽起山其山常有溫煖氣雖盛冬大雪適境獨此山無積白蓋石氣熏蒸使然也山惟一穴官中常禁閉至初冬則州發丁夫遣人監視取之歲月積久其穴益深鏡鑿他石得之甚難以色白肌理瑩明若狼牙者為上亦有夾他石作塊者不堪每歲採擇上供之餘州中貨之不爾市賈無由得也貨者雖多而精好者亦難得

藥性論云陽起石惡石葵忌羊血味甘平主補腎氣精乏腰疼膝冷濕痺能煖女子子宮久冷冷瘕寒痰止月水不定陶隱居云此所出即與雲母同而甚似雲母但厚實爾今用乃出益州與礬石同處色小黃黑即礬石雲母根未知何者是俗用乃稀仙經亦服之唐本注云此石以白色肌理似殷孽仍夾帶雲母綠潤者為良故本經一名白石今有用純黑如炭者誤矣雲母條中既云黑者名雲騰又名地涿服之損人黑陽起石

必為惡矣經言生齊山齊山在齊州歷城西北五六里採訪無陽起石陽起石乃齊山西北六七里廬山出之本經云或雲山雲廬字訛矣今太山沂州惟有黑者其白者獨出齊州也

禹錫云吳公氏云陽起石神農扁鵲酸無毒桐君雷公歧伯鹹無毒季氏小寒或生太山

南海樂譜云陽起石惟太山所出黃者絕佳邢州鶴山出白者亦好

衍義曰陽起石如狼牙者佳其外色不白如薑石其大塊者亦內白治男子婦人下部虛冷腎氣之絕于藏久寒須水飛研用凡石藥冷熱皆有宜斟酌

鍾乳 味辛溫無毒主傷食不化邪氣結惡瘡疽瘰癧利九竅下乳汁男子陰瘡女子陰蝕及傷食病常欲眠睡一名通石殷孽根也青黃色生梁山山谷木蘭為之使惡細辛

圖經曰文具石鍾乳條下藥性論云孔公孽忌羊血味甘有小毒主

治腰冷膝痺毒風男女陰蝕瘡治人常欲多睡能使喉聲圓亮

陶隱居云梁山屬馮翊郡此即今鍾乳林也亦出始興皆大塊打破之凡鍾乳之類三種同一體從石室上汁溜積久盤結者

為鍾乳林即此孔公孽也其次以小龍從者為殷孽今人呼為孔公孽殷孽復溜輕好者為鍾乳雖同一類而療體為異賤相殊此二孽不堪凡散人皆搗末酒漬飲之甚療脚弱其前諸瘵恐宜水煮為湯也按

今三種同根而所生各處當是隨其土地為勝爾

日華子云孔公孽味甘煖治瘕結此即殷孽林也禹錫云按蜀本云凡鍾乳之類有五種一

鍾乳二殷孽三孔公孽四石林五石花雖同一體而主療有異此二孽止可酒浸不堪入丸散藥用然甚療脚弱脚氣石花石

林顯在後條青霞子云孽輕身充飢

鐵 宋平溫無毒主爛傷瘀血淺刺寒熱鼠瘻癥瘕結氣脚冷疾弱一名薑石鍾乳根也生趙國山谷又梁山及南海採無時惡防已畏木

圖經曰文具石鍾乳條下

陶隱居云趙國屬冀州此即今人所呼孔公孽大如牛羊角長一二尺左右亦出始興

唐本注云此名石室下孔公孽根也蓋結如薑故名薑石俗人乃以孔公孽為之誤

爾

禹錫云按日華子云股孽治筋骨弱并痔瘻等疾及下乳汁

塞陀僧



味賦 辛平有小毒主久痢五痔金瘡

面上癩疥面膏藥用之

圖經曰塞陀僧本經不載所出州土注云出波斯國今嶺南閩中銀銅冶處亦有之是銀鉛脚其初採礦時銀銅相雜先以鉛銅煎鍊銀隨鉛出又採山木葉燒灰閉地

作鑪填灰其中謂之灰池置銀鉛於灰上更加火大鍛鉛漆灰下銀住灰上罷火候冷出銀其灰池感鉛銀氣置之積久成此物今之用者往往是此未必胡中來也形似黃龍齒而堅重者佳

日華子云味甘平無毒鎮心補五藏治驚癩嗽嘔及吐痰等

雷公云製用塞陀僧凡使搗令細於堯塢中安置了用重紙袋或柳蚶末焙塞陀僧塢中以下東流水浸令滿著火煮一伏時足去柳末紙袋取塞陀僧用

禹錫云按蜀本注云五痔謂牡痔酒痔腸痔血痔氣痔

聖惠方治點黠斑點方用塞陀僧二兩細研以人乳調塗面每夜用之。又方赤白

痢所下不多過數不減用塞陀僧三兩燒令黃色研如粉每服醋茶調下一錢七日三服

外臺秘要冷面生光方以塞陀僧用人乳煎塗面佳兼治瘡鼻炮

譚氏小兒方瘡豆瘡癩面癩以塞陀僧細研水調夜塗之明且洗去平復矣

衍義曰塞陀僧堅重椎破如金色者佳

平微溫主明目化銅療驚悸定心氣小兒風癩陰積脫肛

圖經曰文具鐵條下

陶隱居云鐵落是徐阜鐵漿生鐵是不破鑿鎗釜之類鋼鐵是雜鍊生錄作刀鍊者鐵精出鐵籠中如塵紫色輕者為佳亦以摩蓋鋼器用之

陳藏器云針砂性平無毒堪染白為卑及和沒食子染鬚至黑飛為粉功用如鐵粉鍊鐵粉中亦別須之針是其真鋼砂堪用人多以雜和之謬也又云鍛鑽下鐵屑味辛平無毒主鬼打鬼疰邪氣水漬攪令味

出澄清去滓乃緩飲一二盞

日華子云鐵屑治驚邪癲癩小兒客忤消食及冷氣並煎汁服之也一云華鏡尖浸水名為鐵精可制朱砂石亭脂水銀毒聖惠方陰脫鐵精羊脂二味攪合稠布裏

炙熱熨推內之差。又方食中有蠱毒令人腹內堅痛兩目青黃淋虛骨立病變無常用鐵精細研搗雞肝和為丸如梧桐子大食前後酒下五丸

生鐵



微寒主療下部及脫肛

圖經曰文具鐵條下


禹錫云按日華子云生鐵鍛後飛淘去雜赤汁烘乾用治癩疾鎮心安五藏能黑髮髮治癬及惡瘡亦蜘蛛咬蒜摩生油傳並

得今注解在鐵精條

時後方治熊虎所傷毒痛者生鐵今有味以洗之。又方若被打瘀血在骨節及脇外不去以鐵一斤酒三升煮取一升服之集驗方治脫肛歷年不愈以生鐵三斤水

一斗煮取五升出鐵以汁洗日再子母秘錄治小兒卒得爛瘡一名爛瘡燒鐵淬水中三七遍以浴兒三二遍起作爛瘡漿

柔鐵



味甘無毒主全瘡煩滿熱中胃膈氣寒食不化一名跳今注詳在鐵精條

圖經曰文具鐵條下

鐵主堅肌耐瘡
圖經曰諸鐵不著所出州郡亦當同處耳


今江南西蜀有鑪冶處皆有之鐵落者鍛

家燒鐵亦沸砧上打落細皮屑俗呼為鐵花是也初鍊去鑛用以鑄鑄器物者為生鐵再三銷拍可以作鏃者為鑄鐵亦謂之熟鐵以生柔相雜和用以作刀劍鋒刃者

為鋼鐵鍛竈中飛出如塵紫色而輕虛可以瑩磨銅器者為鐵精作針家磨鑪細末謂之針砂取諸鐵於器中水浸之經久色青沫出可以染皂者為鐵漿以鐵拍作片段置醋糟中積久衣生刮取之為鐵華粉

入火飛鍊者為鐵粉作鐵華粉自有法文多不載諸鐵無正入丸散者惟煮汁用之華粉則研治極細合和諸藥及馬銜秤錘車轄及杵鋸等皆燒以淬酒用之刀斧刃磨水作藥使並俗用有效故載之

珊瑚



珊瑚味甘平無毒主宿血去目中翳鼻衄末吹鼻中生南海

圖經曰珊瑚生南海注云又從波斯國及師子國來今廣州亦有云生海底作枝柯狀明潤如紅玉中多有孔亦有無孔者枝柯多者更難得採無時謹按海中經曰取珊瑚先作鐵網沉水底珊瑚貫中而生歲高三二尺有枝無葉因絞網出之皆摧折在網中故難得完好者不知今之取者果爾否漢積翠池中有珊瑚高一丈二尺一本三柯上有四百六十三條云是南越王趙佗所獻夜有光影晉石崇家有珊瑚高六七尺今並不聞有此高大者唐本注云似玉紅潤中多有孔亦有無孔者又從波斯國及斯國^上及師子國來唐本先附陳藏器云生石巖刺刻之汁流如血以金投之為丸名金漿以玉投之為玉髓久服長生

禹錫云按日華子云鎮心止驚明目

海藥云按晉列傳云石崇金谷園珊瑚樹交加苑生藥味甘平無毒主消宿血風癩等疾按其主治與金相似也

異物志云出波斯國為人間至貴之寶也錢相公篋中方治七八歲小兒眼有翳醫未堅不可忘傳藥宜點珊瑚散細研如粉細爛用少點目中即愈

衍義曰珊瑚治昏目今人用為點眼筋有一等紅油色有細縱紋可愛又一種如鈿

丹色無縱紋為下入藥用紅油色者嘗見一本高尺許兩枝直上分十餘枝將至其

顛則交合連理仍紅潤有縱紋亦一異也波斯國海中有珊瑚洲海人乘大船墮鐵網水底珊瑚初生磐石上白極菌一歲而

黃三歲赤枝輪交錯高三四尺鐵發其根繫網船上絞而出之失時不取即腐

石蠟



石蠟



石蠟味鹹寒無毒主青盲目中膚腎及丁醫漆瘡生南海又云是尋常蠟爾年月深久水

沫相著因化成石每遇海潮即飄出又一般入洞穴年深者亦然皆細研水飛過入諸藥相佐用之點目良

圖經曰出南海今嶺南近海州郡皆有體質石也都與蠟相似或云是海蠟多年水沫相著化而為石每海潮風飄出為人所

得又一種入洞穴年深者亦然醋磨傳癰腫亦解金石毒採無時

禹錫云按日華子云石蠟涼解一切藥毒并蠱毒催生落胎療血運消癰治天行熱

疾等並熱水磨服也又云浮石平無毒止渴治淋殺野獸毒

衍義曰石蠟直是今之生蠟更無異處但有泥與蠟石相著凡用須去其泥蠟石止

用蠟磨合他藥點目中須水飛過

長石



長石 味辛苦寒無毒主身熱胃中結氣四肢寒厥利小便通血脉明目去腎眇下三蟲殺蟲毒止消渴下氣除脅助肺間邪氣久服不飢一名方石一名土石一名直石理如馬齒方而潤澤玉色生長子山谷及太山臨淄採無時

陶隱居云長子縣屬上黨郡臨淄縣屬青州俗方及仙經並無用此者唐本注云此石狀同石膏而厚大縱理而長文似馬齒今均州遠坂山有之土人以爲理石者長石也

桃花石



桃花石 味甘溫無毒主大腸中冷膿血痢久服令人肌熱能食



唐本注云出申州鍾山縣似赤石脂但紙之不著舌者爲真唐本先附

南海藥譜云其狀亦似紫石英若桃花其潤且光而重目之可愛是也

衍義曰桃花石有赤白兩等有赤地淡白

點如桃花片者有淡白地有淡赤點如桃花片者人往往鑄磨爲器用今人亦罕服食

馬瑙 味辛寒無毒主辟惡慰目赤爛紅色似馬瑙亦美石之類重寶也生西國玉石間來


中國者皆以爲器亦云馬瑙珠是馬口中吐出多是胡人謬言以貴之耳

陳藏器云馬瑙出日本國用研木木不熱爲上研木熱非真也

衍義曰馬瑙非石非玉自是一類有紅白

黑色三種亦有其紋如纏絲者出西裔者佳彼土人以小者碾爲好玩之物大者碾爲器今古方入藥絕可用此物西方重之故佛經多言之其馬口吐出既知謬言不合編入

太陰玄精



太陰玄精

味鹹溫無毒主除風冷邪氣濕痺益精氣婦人痼冷漏下心腹積聚冷氣止頭痛解肌其色青白龜背者良出解縣

圖經曰太陰玄精出解縣今解池及通秦

州積鹽倉中亦有之其色青白龜背者佳
 採無時解池又有鹽精味更鹹苦青黑色
 大者三二寸形似鐵鑄昔三月四月採亦
 主除風冷無毒又名泥精蓋玄精之類也
 古方不見用者近世補藥及治傷寒多用
 之其著者治傷寒三日頭痛壯熱四肢不
 利正陽用太陰玄精滑石硫黃各二兩研
 砂一兩四物都細研入瓦瓶子中固濟以
 大半斤於瓶子周一寸許之約近半日今
 藥青紫色住火待冷取出用臘月雪水拌
 令勻灌入甕瓶子中屋後北陰下陰乾又
 入地埋二七日取出細研以麪糊和為丸
 如雞頭實大先用鹽水浴後以艾湯研下
 一丸以衣蓋汗出為差

衍義曰太陰玄精石合他藥塗大風疾別
 有法陰證傷寒指甲面色青黑六脉沉細
 而疾心下脹滿結硬躁渴虛汗不止或時
 狂言四肢逆冷咽啞不利腹疼亦須佐他
 藥兼之圖經本草已有法惟出解州者良

鹽 味鹹苦辛平無毒主目赤淚出膚醫賜

暗
 唐本注云以光明鹽研砂赤銅屑釀之成
 塊綠色真者出焉者國水中石下取之狀
 若扁青空青為眼藥之要唐本先附

鐵 鐵法中陶為鐵落是鐵漿蘇云非也按
 鐵漿取諸鐵於器中以水浸之經久色青沫
 出即堪染阜兼解諸毒入腹服之亦鎮心主
 癩癩發熱急任走六畜癩任人為蛇犬虎狼
 毒刺惡蟲等噉服之毒不入內見陳

鐵 主賊風止產後血痲腹痛及喉痺熱塞
 並燒令赤投酒中及熱飲之時人呼血痲為
 兒枕產後即起痛不可忍無錘用斧附

禹錫云按陳藏器云秤錘味辛溫無毒
 力除風邪養血氣延年變白去百病隨所冷
 熱合和諸藥用棗膏為丸作鐵華粉法取鐵
 鍛作葉如笏或團平面磨錯令光淨以鹽水
 水灑之於醋甕中陰處埋之一百日鐵上生
 生鐵華成矣刮取更細搗篩入乳鉢研如麴
 和合諸藥為丸散此鐵之精華功用強於鐵

粉也
 禹錫云按日華子云鐵胤粉止驚悸虛癩
 鎮五藏去邪氣強志壯筋骨治健忘冷氣
 心痛痲痺癰結脫肛痔瘻宿食等

鐵 味鹹平無毒主安心神堅骨髓除百病
 變白潤肌膚令人不老體健能食久服令人
 身重肥黑合和諸藥各有所主其造作粉飛
 鍊有法文多不載人多取雜鐵作屑飛之令
 體重真鋼則不爾其針砂市人錯鍊鐵為屑
 和砂飛為粉賣之飛鍊家亦莫辨也取鋼鐵

鐵 味辛甘平無毒主風熱惡瘡癩瘡癩
 疥氣在皮膚中除胃腸中熱氣食不下止煩
 去黑子一名鐵液可以染阜生牧羊平澤及
 枋檣城或析城採無時

禹錫云按了華子云鐵液治心驚邪一切
 毒蛇蟲及蠶漆咬瘡腸風痔瘻脫肛時疾
 熱狂并染髮髮今注解在鐵精條

石 味甘溫無毒主風寒虛損腰脚疼痺安
 五藏益氣一名石鉛餅生名山土石中採無

時

陶隱居云此亦鍾乳之類形如曹青而白色黑斑軟易破今茅山東及西平山並有鑿土龕取之俗方不見用仙經有劉君導仙散用之又真誥曰李整採服療風痺虛損而得長生

石 味辛甘寒大寒無毒主身熱利胃解煩益精明目破積聚去三蟲除榮衛中去來大熱結熱解煩毒止消渴及中風痿痺一名立

制石一名肌石如石膏順理而細生漢中山谷及廬山採無時滑石為之使惡麻董陶隱居云漢中屬梁州廬山屬青州今出寧州俗用亦稀

衍義曰理石如長石但理石如石膏順理而細其非順理而細者為長石治療亦不相違

馬銜 無毒主難產小兒癩瘡婦臨產時手持之亦煮汁服一蓋此馬勒口鐵也本經馬條注中已略言之

馬銜云按本經難產通用藥云馬銜平

石 無毒主破宿血下石淋除癥結伏鬼物惡氣一名磨石燒赤熱投酒中飲之即令磨

刀石取塗傳蠅蝮瘡有效又不欲人踰之今人患帶下未知所由又有越砥石極細磨汁滴目除障闇燒赤投酒中破血癥痛功狀極同名又相近應是礪矣禹貢注云砥細於礪皆磨石也

石 味甘溫無毒酒漬服主腰脚風冷與殷孽同一名乳花

唐本注云三月九月採之乳水滴水上散如霜雪者出乳穴堂中唐本先附

衍義曰石花白色圓如覆大馬杓上有百十枝每枝各樣牙分岐如鹿角上有細文起以指擦之錚錚然有聲此石花也多生海中石上世亦難得家中有一本後又於大相國宮中見一本其體甚晚不禁觸擊

本條所注皆非

石 味鹹甘平無毒主頭面諸風目赤痛多眵淚生鹽州五原鹽池下鑿取之大者如升皆正方光徹一名石鹽

馬錫云謹按蜀本注云亦呼為聖石

石 味甘溫無毒酒漬服與殷孽同一名乳林一名逆石

唐本注云陶謂孔公孽即乳林非也二孽在上林花在下性體雖同上下有別鍾乳水下凝積生如筍狀漸長久與上乳相接為柱也出鍾乳堂中採無時

石 味辛鹹平無毒主蠱毒及蛇菜肉諸毒惡瘡不可久服令人瘦一名推青一名推石生益州川谷

陶隱居云俗方及仙經並無用此者亦相與不復識

石 無毒主喉壙及喉中熱寒燒令赤投酒中及熱飲之

石 無毒主驚悸癩邪安神定魄強志入官不懼利見大官宜婚市王者所封五色土亦其次焉已前主病正爾水服餘皆藏寶

石 味辛鹹平無毒主喉壙及喉中熱寒燒令赤投酒中及熱飲之不入境今郡縣皆有杜壇也

蜂蟻 無毒主卒心痛症忤 惡氣置酒中
温服之彌佳也

土蜂 主腫毒醋和為泥傳之亦主
蜘蛛咬土蜂者在地土中作窠者是

春牛角 收置戶上令人宜田

桑根下 搜成泥餅傳風腫上仍灸二三十
壯取熱通瘡中又人中惡風水肉腫一箇差
以土碗灸二百壯當下黃水即差也

胡鷲 無毒主風癩癰末以水和傳
之又巢中草主卒溺血燒為灰飲服又主惡

刺瘡及浸淫瘡遠身至心者死亦用之

柱下 無毒主腹痛暴卒者末服方寸七

鐵穴中 取七枚如粒和醋搽狐刺瘡

故才屋上塵 無毒主老嗽取多年煙火者拂

取上塵和石黃款冬花婦八月經衣帶為末
以水和塗于第上待乾內竹筒子中燒一頭
以口吸之入咽喉數數咽之無不差也

圖經衍義本草卷之四

圖經衍義本草卷之五

宋通直郎辨驗藥材寇宗奭編撰
宋大醫助教辨驗藥材許洪校正

玉石部下品

伏龍肝

伏龍肝 味辛微温主婦人崩中吐血止欬逆
止血消癰腫毒氣

圖經曰文具石灰條下

陶隱居云此竈中對釜月下黃土也取擣
篩合胡塗癰甚效以竈有神故號為伏龍

肝并以遷隱其名爾今人又用廣州鹽城
屑以療漏血瘀血亦是近耳之上兼得火

燒之義也

陳藏器云竈中土及四交通土合末以飲

兒辟夜啼

日華子云伏龍肝熱微毒治鼻洪腸風帶
下血崩泄精尿血催生下胞及小兒夜啼

雷公云凡使勿誤用竈下土其伏龍肝是
十年已來竈額內火氣積自結如赤色石

中黃其形貌八稜取得後細研以滑石水

飛過兩遍令乾用熟絹裹却取子時安於
舊額內一伏時重研用

禹錫云按藥性論云伏龍肝單用亦可味
鹹無毒末與醋調塗癰腫

外臺秘要救急治心痛冷熱伏龍肝末煮

水服方寸七若冷以酒服又方治癰腫伏
龍肝以蒜和作泥塗用布上貼之如乾則
再易

蕭炳云釜月中墨一名釜臍下墨

千金方治風痲者卒不能語口禁手足不
隨而強直伏龍肝五升以水八升和攪取

汁飲之
廣利方治吐血鼻衄不止伏龍肝半升以

新汲水一大升淘取汁和蜜頓服

十全博濟方治子死腹中其母氣欲絕伏

龍肝二錢七以水調下其土當見頭上戴
出

產寶方胞衣不出取竈下土一寸研碎用

好醋調令相得內於臍中續取甘草湯三
四合服之出